



I.

# QUÆSTIO MEDICA, QUODLIBETARIIS DISPUTATIONIBUS MANE DISCUTIENDA IN SCHOLIS MEDICORUM.

Die Jovis quintâ Januarii. 1713.

M. ANDREA CRESSÉ.

DOCTORE MEDICO, PRÆSIDE.

*An ut Virginitatis, sic Virilitatis certa indicia?*

I.

**V**IDEN mendacia rerum! cassâ specie nos ludunt. Sic est, in cortice hæremus, nucleum prætereuntes. Ideò, quia in superficiebus, non medullis rerum versamur. Quæ Helena foris, intus Hecuba est. Eadem fraude, desideres interdum in sponso maritum; in marito patrem; in juvene virum. In sexibus enim Androgynum dari non potest, potest in hominum vultu. Ipsa vox *homo* anceps est, viri ac feminae particeps; unde quod de cœnis habent, in homines cadit, dubii sunt;

A

*Dicas in aurem, sic, ut audiat nullus.*

*Amator ille....*

\* Effeminatos.

*Qui.... Galbanos\* habet mores.*

*Quæris quis hic sit? excidit mihi nomen.*

*Quarè desine me vocare fratrem*

*Ne te.... vocem sororem.*

An dubia forent sexuum discrimina? imò; at dubiæ sunt hominum facies, sic ut interdum in viro virum quæras. Etiam suo conspectu ludunt sexuum organa; ex eorum enim numero, quantitate, formaturâ, marem à feminâ, à non Virgine Virginem potueris definire; at ex talium præsentia, virum ab homine, validum ab invalido, *potentem ab impotente*, à mulieroso *frigidum* decernere imperitiæ est. De sexuum dignitate quæstio est, sed quæ odii argumentum minus est, quàm invidiæ hominum. Reverâ ipsas feminarum formas aliqui non dedignantur, illarum illecebris capi ambiunt multi, vinci gaudent non pauci. Post-hac mulierem dimidiatum hominem dices? an virum dimidiatam mulierem? hæc omnis homo fuerit, si fortitudinem quæ hominem insignit, possit induere. At heroibus dominari datum jam illis est, ex quo Achillem nere docuerunt. Portentosa isthæc est mulierum in viros omnipotentia, quam soli *frigidi* rident. Mulierem ergo monstrum nature vocari, dogmatis monstrum est. Melius naturæ prodigium erit, quæ sic imperat gentium dominis. Interim mulieris caput est vir? appositè sic tyrannidi sexûs cautum est, legum vi ac Sacramenti virtute. Sed feminarum regnum intra se divisum est; innuptis nuptæ invident: has illis præferre Judæis consuetum, nuptis innuptas Christianis. Hinc Virginitatis pretium & honos, qui quò insignior, eò rarior quibusdam habetur. Reipsâ flos & mundities est Virginitas, quam perdit turpitudinis aura. Eâ de causâ, mente perire Virginitatem Religio docet, illibato enim corpore mens inquinatur. Quot ex hoc pietatis dogmate patiatur damna pudicitia, immane: at plures adhuc corporis integritati volunt fieri iacturas, Virginitatis cultores avari. Hos intellige, qui, dum eos occupat sexûs amor, sexui invidiosè conviciantur. Virginem tantam raram, quàm phœnicem perhibent; quod simultati non imputaveris, iis enim maledicunt, à quibus amari amant. Eò tamen venit Virginibus maledicendi malignitas, ut has à mulieribus scerni nolint. Hos male suadet vultûs pudor, oris verecundia, modestia vultûs, virorum fuga, silentii amor, pudicitia fama, morum integritas; hæc (ajunt) omnia æquè referunt ac repræsentant, quæ ut sexum sic connubium nobilitant mulieres. Alias imperiosè exigunt notas, quibus exteriori integritati concinat arcana corporis integritas. Ludibrio habent, & meritò, Virginitatis notacula, quæ ex naribus, collo, voce, &c. venari solent, ut Virginitatis naufragia harioleantur. Ulteriùs hos rapit in Virgines livor, quæ sexum faciunt partes, in innuptis perindè, ac in nuptis similes statuunt, formâ, specie, colore, habitudine, positurâ. Tàm facillè credideris, florem intactum, ne vel à *Miasmate* maligno temeratum, alteri similem flori, impuris manibus compresso, attrito, obsecrato.

## II.

HEU antiquatam veteris ævi simplicitatem ! heu deperditam priscam fidem ! quò homines antiquæ virtutis ! Docti fortè minùs, at sapientes magis ; veritatis amantes, studiosi sinceritatis. Tunc temporis motam de Virginitate litem, illicò dirimebant simplicia Virginitatis signa. Num arcanas re-velando partes ? num eas nudando, quas diligentius tegit natura ? num eas intuen- do quas voluit inconspicuas ? quas videri, violari ; quas tangi, fœdari est. *Vestimenta Virginis coràm senibus pandere* sat erat, quo dato signo, sic ab- solvebatur suspectata conjux, ut vir odii sui pœnas verberibus lucret. Tanta erat simplici huic signo patrum fides ! at huic venire potest aliundè major, in quo frigidis opprobrii nota paratur. Quid enim, si ulciscendo nupta virgo junior cum viro, quem impotentiae accusabit, exposulaverit virginitatis signa ? hoc absente signo ignaviam viri & copulæ defectum arguet. Reclama- bit vir ? accusationi fidem faciet Virgo juvencula conjux, inspicendam se offerendo. Virginitatem enim à nuptiis superstitem ostendere, sponsi impoten- tiæ signum tam certum erit, quàm contuprationis indicium, non oblatum *in vestimentis Virginitatis signum*. Quorsum igitur tam multa scrutari ? tot cumu- lari quid juvat ? quibus *frigidum* evincas, aut absolvas Virginem ? cur in hoc uno non erit certum æquè *frigiditatis*, ac *Virginitatis* indicium. Nuptam ergo, quæ Virgo juvencula erat, apud Judices conqueri, quod *signa Virginitatis* afferre sibi non detur, virum *frigiditatis* accusare erit, conspectamque se Virginem offerre, erit evincere. Fidem excedit, quot expediret *frigidorum* ac *Virginum* lites, doctrina hæc sacris contenta codicibus ! sic parceretur turpiloquio *hymenis, caruncularum, rugarum* uteri &c. à fœdo hoc scrutinio abstineretur, scilicet an suam ordinatio- nem servaverint, in colore, tenore, situ, mensurâ, habitudine. Absit tamen dubita- veris, hæc quoque vera reperiri ; ea enim est nuptæ ab innuptâ partium dispari- litas, tantùmque à seipsâ mutata tunc illarum facies, ut quantùm in nuptis sui violatione maritatem ostendunt, tantùm in innuptis integritate suâ Virginem evincant. Copulationis enim successus, ab *elater* pendet partium quæ copu- lantur. Id *elateris* à viro unicè expectabis ? abes à verò ; *Musculum* uterum fecit natura, sic constitutum, ut quò magis dilatari cogitur, in se redeundo stringatur magis. Strictionis autem vim, ab eâ quæ illius dilatationis est me- tire : coactæ ad pyri magnitudinem ( quæ uteri in Virginibus mensura est ) uteri fibræ, ad capitis molem in prægnantibus crescunt & dilatantur. Hæc autem immanis fibrarum uteri in prægnantibus dilatatio, *elaterem* portentoso- rum uteri prodit, quandoquidem quò breviores, eò potentiores sint fibræ. Par est exinde manans *vagina elater* ; latera cujus, ut compressilia maximè, sic arcuè conniventia, id operæ præstant in sexuum *copulâ*, ut ad se acceden- do, quem admittunt fœcundantem succum fortius & intrò adigant. Ex hæc autem duplici & mutuâ violentiâ, partium mulieris violationem ; fitis ; po- situræ, ordinis, rugarum, habitudinis mutationem, hiatum & fœdationem con- jicere est. In his autem tenore, positurâ & habitudine, certiora habes *Vir- ginitatis* signa. Arte enim meretriciâ angusta viarum quantumvis æmulentur,

A ij

vaginæ rugas & asperitates restituere, externamque partium æconomiam reconcinnare, colorem neque speciem ac *tonum* ementiri dabitur. *Hymenem* consilio prætermisissimum credes, quasi anilibus fabulis accensendum? imò aliud indubitatum *Virginitatis* signum venit, in quibus occurrit; occurrere autem testantur inter anatomicos non ignobiles. Defuerit? supplebunt *caruncularum* flos & conniventia. Carunculis fidem quoque negas? hanc cogit sinûs pudoris dispositio, circumsepti in Virginibus eâ arte, ut post copulam à situ, tono, ac ordinatione discedat. Postremò addideris verba Virginis, quæ sponsi copulam negaverit. Rides? sponso copulationem affirmanti credis? Nùm quia mulieris caput est. Ita, si sponso maritus, si marita mulier, tunc enim illum Dominum vocare cogitur. At qui *frigidus*, non maritus est, nec illius marita, mulier.

## III.

**V**IRILITAS ad Venerem potentia est, *virum* enim ut *nolo nimium, nolo parum*. Veneris nomine, sexuum copulam intelliges, quæ conjugum ut votum est, sic conjugii finis. Hæc enim procreationem intendit, cui copulâ præludi, tam necessarium quàm confessum. Interim infœcundè sexus misceri quotidianum, ni succi fœcundantis missus fiat. Igitur præter copulæ potentiam, missilem fœcundationis auram oportet exilire. Huic auræ fœcundationis necessitatem injungis? At tunc fœcundationis causas rimari est, non *Virilitatis* notas persequi. Porro, ut citra *Virilitatem* nemo fœcundus, sic absque fœcundatione aliquis *Virilis* est. Quæ hujusmodi *Virilitatem* spondeant scrutaris? ut in liberis testes suos habet fœcundatio, in signis sui dat indicia *Virilitas*. Hæc fortè locabis in *juvene convulsi* *organis instructo*? quid enim potentius, quàm amoris organorum opulenta supellex? an hunc apparatus opere cassum concipere est? adjicito corpus eusarcum, exercitum voluptate, dapibus delicatulis insuccatum, spirituosius animum succis aut liquoribus; siccinè amorum satellitio stipatum corpus, ignavum ad Venerem aut imbellem conjicies? feriantia concipies totamque præclara lasciviæ instrumenta? ita sanè, nimium his credes omnibus, si mendosa sint, si ludant *oculos*, si fucum faciant. Illudunt autem, si fictæ sint instrumentorum effigies, mera organorum simulachra, ignava, inertia, funerata. Funerata vocas, motûs aut *elateris* expertia? honore aut titulo defunctæ vitæ, abuti est. Extincta hæc non sunt, sed vacantia, nunc non primum, sed ab antiquo, à cunis ipsis feriantia. Porro, si à *posse ad actum* non valeat consequentia, num à *non posse ad posse* valebit? quæ autem feriantia nata sunt, non potentia sunt, aut *impotentia*. Hanc sortem innatam sibi gratulabuntur cælibes, quos importunè stimulet aut periculose amandi pruritus; sed hanc lugebunt mariti veneris officio debiti. *Maleficiatis* hanc forte sortem dabis? perperam. *Maleficiatorum* enim status, casus est & malitia; *frigidorum*, natura est, & habitudo. *Frigidi* sunt, invalidi, & *impotentes*, quibus fractus, aut mollis est *cupidinis arcus*; quos nempe deficit nulla ex iis partibus quæ virum ostendunt, at quos urit aut excitat ex iis nulla. Caterùm *frigidi* virilibus organis præclare insigniti, à lasciviâ tuti, viros se non sentiunt, nedum experiuntur. Interea, novercam iis, defuisse non omnino natu-

ram argumento est, pensata aliundè horum calamitas: Achillis instar sui ali-quà parte, sunt invulnerabiles. Iterùm præ cæteris à naturâ beantur, indè feliciores quòd ancipites & neutri, feminas inter & viros, nec sui, nec alterius sexûs ægritudinibus pateant. At *digito compeſce labellum*. Quæ honestè innuuntur obscæna, inhonestè proferuntur. Ut ut sit, frigidi nati, à carne flagellati nunquàm, non concupiscunt, amorum ignibus immoti, non petulci, non falaces; non carulientes. Deses enim pars illa, quâ viri forent, humilis & tacita silet, depressa jacet, motuque tardescens instupuit; nunquàm ab inertia resurgens, surgit nunquàm ad opus, nec in actum erigitur.

## I V.

**H**IS se prodit indicis *Virilitas*, quæ, illis absentibus, abest. Quid enim, amabo, sunt conjuges? *duo in carne una*. Quid conjugium? sexuum conjunctio, & *adharebit uxori sua*. Illud Religio, hoc ratio. Procreationis negotium, mutuum quid, à duobus pendet. Structura est, cujus impages sejunctis divisæ locis, veniunt adunandæ. Hinc germen, illinc ovum; duabus quasi conclusa capsulis, quæ duo sexus sunt. Ovum, fœtus compendiolum, massula iners est, arcanis fœminæ partibus altè condita. Germen animabilis materies, à viri corpore in uterum exilitura; illi enim exiliendum ad ovum est, ut potè alienum à se atque dissitum. Huic operi, *viâ viri* ad feminam opus fuit, quâ ad legnem materiam animatio perveniret. Hæc *via*, sexuum copulatio est, cui proinde deesse, mariti conditionem abdicare est. Nam copulæ præest vir, subest fœmina; ille causa est, hæc *subjectum*; ille motum, hæc *mobile*; ille *elaterem*, hæc *elateris* capsulam; verbo *oscillum* alter, *oscillandas* altera partes sufficit; vir enim oscilla (quæ germina sonant) suppeditat, femina dat fomites. At ovum ut ad germen venire nequit, germini ovum adeundum est. Adeundum dicis? ita sanè, si in aperto, vicino, & facili loco situm ovum fuisset. At secus se habet, tam remotum enim quàm reconditum est. Hinc *potentiâ* viri opus est, seu organi *elateris*, quo missum germen ovum queat attingere. Attigisse autem non exigitur, viri enim debitum solverit, aut mariti exegerit officium, qui impetu profliens ad ovum germen, validus emiserit. Harum sub vocum umbris descriptam habes *Virilitatem*, quam constituit firmus organorum *tonus*, validusque *elater*, quibus vibretur animabilis succus. Esto enim, viri muneris non sit fœcundare; at potuisse illius honoris est; patris titulo deesse infautum, mariti officio indecorum. Fortè ovum silens erit aut subventaneum, admittendo germinis spiculo impar aut absolum, tumque irrita copula fuerit; at femina culpâ, non mittentis, nec missilis defectu, modò præcesserit organorum *elater*, situm *tonus*, & constantia *toni*, quæ vibrando, dirigendo, animandoque satis sit. Ovum enim per se immotum est; missilis ergo impetu indigum, quo motum concipiat. Hunc autem dat impetum vibratio, quæ profectam à viro retinens moris determinationem, hanc secum transfert ad ovum. Igitur quò minus ad motum se erigere ovum potest, eò validius ad illum elevari oportet & erigi viri *potentiam*. Hinc bellum organorum apparatus, loco, numero, ac mensurâ absolutum ostentare, non Masculum se, sed Marem asserere est. Masculum of-



tendit non istorum præsentia, sed actus. Si valida & ad opus habilia esse isthæc organa confessum est, fecundatione quamvis cassa, in tuto manebit viri validitas; quod enim partium suarum erat, præstitit. At stupentia organa, defecta tono, elatere destituta, agitata nunquam nec agitabilia jactare, heroïca frigidorum virtus & potentia est. Talem hæc se prodet si cum juvenculâ sponâ jacuerit inexperta. Post-hac *impotentie* argumentum evidentius rogas? solem quæris lucentem? at cæcutire amas? fidem coget sponâ isthæc ( si sponâ fuerit ) à nuptiis virgo superstes. Virginitatis huic argumentum deberi prætendis? solvendo erit virgo conjux, non in ære, non in rixis, non in tergiversationibus, sed in cute. Atqui isthæc erunt Medicorum phantasiæ lascivientis ludibria, hæc illius ambitiosæ artis consilia, ea audentis imperiosè quæ sui juris nec sunt, nec auctoritatis, nec scientiæ. Bella verba! quasi à Judicibus invocarentur Medicorum, ac Chirurgorum artes, de organorum unicâ formaturâ, numero, figurâ, quantitate, pronunciaturæ: certè ad hæc nec eruditæ manibus, nec sapientium decretis opus erit. Verùm, cum *frigidi* esse queant, *convenientibus* quantumvis *organis instructi*; à legibus Medici interrogati, an isthæc organa *potentia* sint, & ad conjugum opus valida; eorum officii est, de organorum apparatu mirabili pronunciare non tantùm, at decernere *quid illa organa possint, quid ferre recusent.*

## V.

**A**T serò sapiunt Phryges. Juvenem habes *convenientibus organis instructum*; desperes nihil, *juventuti nihil arduum est.* talis Athletæ gratiâ, in *spem contra spem ire licet.* tantùm, da spatium, tenuemque moram, nam grande moræ pretium est. Da tempus, quod ætas nequit, sæpe sanavit mora. Hæc mora neque sponso dedecet;

*Nubere si... voles, quamvis properabitis ambo,*

*Differ; habent parva commoda magna mora.*

Venercos in juvene recognoscis lepores? At

*Non formosus erat sed erat fecundus Ulysses.*

Copulæ nondùm maturum exculas? At

*Heroes citò maturi Et*

*Cæsaribus virtus contigit ante diem.*

Spem, emendicando ais, retine.... spes una hominem nec morte reliquit. Igitur

*Eia age rumpe moras; quò te spectabimus usque?*

*Dum quid sis dubitas, jam potes esse nihil.*

*Cùm mora non tuta est, totis incumbere remis*

*Utile, & admissò subdere calcar equò.*

Urgebis. Sed juvenem cupido non urit, non uxoris urget, nec fœturæ amor?

*Excitat ignavos spes fama.*

Sed ad quid evidentiâ *Virilitatis* indicia exigi? ad quid proferri Virginita-

7  
tis notas? numquid non pudorem exuere est? *frigidorum* cantilenam, pudibundorum ne pudeant! pudibundumne dixeris, quod jubent leges, quod Religio finit, quod probat usus? turpe est *frigidorum* connubium, quorum non est *thorus immaculatus*. Thorum interea *frigidi* emendicare solent, ut *potentia* periculum faciant, nam in multis, aiunt, *intrat amor mentes usu*. Ita in validis, at in *frigidis* dediscitur usu. Insuper, an *frigidorum* portentosa libidine Sacramentum scelerari licet? speciminis titulo thori usus indulgetur iis, quibus *ante pilos non venit amor*; qui silentem celant, suo tempore maturandam *potentiam*. At tu juvenis ille, *instrumentis convenientibus instructe*,

*Diū vernat sanguis, diū rugis integer annus,*

*Utere;*

*Si tardus eris . . errabis . . transiet aetas.*

Bellè mones; quasi verò id expectes ab eo, cui defunt *Virilitatis* indicia. Apage, inquam, isthæc indicia, hostilia pudori, religioni contraria? opera tenebrarum sunt tenebris condenda, quæ noctuarum exemplo lux offendit, fugatve hominum præsentia. Præterea, itane stimulos amoris evocare datur? siccinè *Veneri* litare? siccinè tentaminis infandi memoriam reficere? pudicè quidem, ut videtur. At undè virilem organorum habitudinem desiderari in *juvene tam convenienter iis instructo*? undè hunc oportere adigi ad illum partium *tenorem*, qui in virum non eviratum cadit? excitari ad actum, aut organa erigi, impermissum credis? at jubet consuetudo vetus, quam Ecclesia videt tacetque, sinunt Pontificiæ leges, cogit necessitas. Necessitas? ita necessitas, si thorum à sceleratis *frigidorum* ausis arceri volueris. Aliàs, impermissio illo *Virilitatis* signo, in tuto sunt *frigidorum* connubia, de quibus solvendis sileant oportet leges, & lites. Aliundè, si excitare se juvenem piaculo ducatur, fortiter ut est ille tuus à naturâ instructus, excitatum ultrò se monstret. Atqui excitatum se nunquàm sentit? ecce fatentem reum habes; *frigidus* est. Se sentiet, ais, factâ sibi puellæ copiâ. Quid autem si matrimonio traditum, copulæ imparem declaret miscella conjux? quid si inveniatur oneratus magis quàm ornatus *convenientibus organis*, ut potè tristibus, & plumbeis? Quid si intentatam copulam in se ostendere polliceatur fraudata conjux, intactam se monstrando? Eodem quo te tueris pudoris velo, hanc illicò tegi postulabis? Sed hos mitte cuniculos, ab his abstine tricus. Ad turpia licita cogit necessitas, mundis omnia munda; neque sordida quævis, quæ verecunda, nisi quæ sordescens animus admiserit. Caterùm an hodie primùm Virgines inspicere cœptum est? Patrum Ecclesiæ memoriâ, Virgines stupro notatas intueri moris fuit. Exindè leges id ipsum imperarunt. Incertari clamitas Virginitatis indicia? errare amas: tam certa sunt, quàm certa habetur rerum humanarum conditio. Una quidem *hirsutudo non facit ver*, neque unicum, aut uniusmodi signum Virginitatem astringit: sed factâ signorum, conditionum, ac circumstantiarum *Syndrome*, in decernendo tutus erit æquus rerum æstimator. Reverà, si de Virgine semel tantùm compressâ quæstio fuerit, obscuræ fortè videbuntur conspurcationis notæ; de illo tamen stupro decernunt leges, si illud recognovisse oculi eruditi testentur. Verùm, incertumne veniet iudicium de inspectâ muliere virum sapius passâ? at

in illâ expectare erit Virginitatis umbellam ? at inspiciendæ mulieris copta non datur ; dubia visa sunt viri organa ; undenam alterutrius conditionem definiere ? imò, en se tibi prodit Virginitas ; hujus indicia quæ in alterutro conjugum incerta quærebas, in utroque certa tenes. Non maritum se profert sponsus, non sponsa se maritam ; certus concludas, sunt Virgines ambo.

*Ergo ut Virginitatis, sic Virilitatis certa indicia.*

### Domini Doctores disputaturi.

M. Hyacint. Theodor. Baron.	M. Joan. Franciscus Conthier.	M. Petrus Joannes Burette, Professor regius & regia numis- matum Academia Socius.
M. Joannes Nicol. de la Hire, Regiæ scientiarum Academia.	M. Joannes-Baptista Mongin.	M. Ludovicus de Vaux.
M. Antonius Geoffroy.	M. Alexander le François.	M. Petrus Marais.

Proponebat Lutetiæ FRANCISCUS ANTONIUS LE  
DRAN Parisinus, Baccalaureus Medicus. A. R. S. H. 1713.

---

PARISIIS,

Apud Viduam Francisci Muguet, Regis & Facultatis Medicinæ  
Typographi. 1713.